

Monfieur

Il faut que ie vous avoué que les prieres a contre temps
et hors de faifon, que ie me trouvoy dernièrement engagé
a vous faire, m'auoient laiffe ie ne fçay quelle honte fur le
vifage qu'il me sembloit ne pouuoir chaffer qu'en vous
efcriuant de quelque autre matiere, dequoy ie fouhaitois
tous les iours l'occafion, et ie veux du bien au pere Mercenne
de ce qu'il me la maintenant donnee. La fille dont il
vous a eferit n'est autre chose qu'une imitatrice de celle de
Mieur qui faignoit ne manger point, et d'une autre des
quartiers de Cologne qui portoit fur fon cors les marques de
toutes les playes de Jefus Christ, car on dit que celle cy, qui
est a f. Paul de Leon en basse Bretagne, n'a point mangé
depuis cinq ans, et qu'elle refent tous les iours les douleurs
des martyrs dont on celebre les festes, dequoy on void les
marques fur elle, en forte qu'au iour de f. Estienne la chair
paroist toute meurtrie de coups de pierre, au iour de f.
Laurent elle semble estre grillée, au iour de f. Denis on
voit un cercle rouge autour de son col comme si sa teste
auoit esté coupée, et ainfy du reste. On en dit encore
plusieurs autres extravagances, mais ie croy que celles cy
fuffifent pour vous obliger a n'en rien croire.
Outre que ie connois celui que le pere Mercenne allegue

pour son auteur, et ie le iuge si digne de foy que sil
neauoit dit que ceux de la Chine ont communement deux
yeux comme nous, ie croy rois que la Chine est un pais ou il
ny a que des borgnes ou des Cyclopes. Mais le bon pere
Mercaune est si curieux et si ayse d'entendre quelque
merueille qu'il escoute favorablement tous ceux qui luy
en content. Au reste il ma mandé que le conseiller de
Blois qui auoit entrepris les lunettes, et qui est sans doute
le plus capable de tous ceux qui s'en font, meslez s'est fort
blessé a une main en y travaillant en sorte qu'il ne pourra
continuer de long temps, ce qui signifie ce, me semble en
langue francoise, qu'il n'en a pu venir a bout. Vous
peuuez peut estre que i'en soy triste? et ie vous iure que
tout au contraire ie veux tirer de la vanité de ce que
la main des meilleurs ouuriers, ne peut atteindre ou, mon
raisonnement est paruenu. Je ne vous mande plus rien
de st. car c'est un suiet trop indigne, et les venteries et
menteries dont il continue a tascher d'abuser le monde
sont si grossieres et impertinentes que i'ay honte d'auoir ayde
a les decouuoir, et croy qu'on luy a fait trop d'honneur de
l'appeler fourbe, a cause que c'est un nom qui tesmoigne
quelque esprit, au lieu qu'il n'a rien que de l'impudence
pour soutenir ses faussetez. J'ay appris que vous

estiez dernièrement a Harlem, ou i'eusse volé si ie
 leusse pu scavoir assez a teuy, affin d'apprendre de vous
 si M^r. Banning se flate ou bien s'il y a quelque chose
 de xtraordinaire en son Épinette, et affin de vous
 pouvoit dire de vive voix que ie suis avec passion

Monsieur

De Hautpote le 12 Mars 1640

Vostre tres humble et
 tres obeissant serviteur
 Deshayes

[Faint, illegible handwriting on aged paper, likely bleed-through from the reverse side of the page.]